



TOSHKENT DAVLAT YURIDIK UNIVERSITETI REKTORINING B U Y R U G ' I

20.03.2025

235-tm-son

Talabalarga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator chora-tadbirlar amalga oshirilmoqda. Shunga qaramasdan, universitetning bir qator talabalari tomonidan universitetning Odob-axloq kodeksida belgilangan tartib-qoidalarini buzish holatlari kuzatilmoqda.

Dekanat tomonidan dars mashg'uloti vaqtida ruxsatsiz telefondan foydalanmaslik yuzasidan ogohlantirish berilib, bu bo'yicha universitet rektorining Talabaga hayfsan e'lon qilish to'g'risidagi bir necha buyruqlari o'qib eshittirilganligiga qaramasdan Xususiy huquq fakulteti talabasi Ismatov Asilbek Ismoil o'g'li, Abduvoyitov Muhammadali Akmal o'g'li 2025-yilning 25-fevral kuni, Yusupov Javoxir Xalil o'g'li va Abdiyev Asadbek Asliddin o'g'li 2025-yilning 26-fevral kuni, Ishpulatov Maxamatg'iyos Shuxrat o'g'li 2025-yilning 27-fevral kuni, Mannobov Alisher Sapparboy o'g'li, Xusenov Utkirbek Sherzod o'g'li 2025-yilning 4-mart kuni, Uktamov Aslbek Sanjar o'g'li, Botirova Firdavsxon Jamshid qizi 2025-yilning 11-mart kuni, Juralov Azimjon Olimjon o'g'li 2025-yilning 5-mart kuni ma'ruza va seminar dars mashg'uloti vaqtida ijtimoiy tarmoqlardan foydalanib, darsga taalluqli bo'lmagan sahifalarni tomosha qilib o'tirganligi hamda dars mashg'ulotlarini sifatli o'tilishiga salbiy ta'sir ko'rsatganligi dekanat tomonidan situatsion markaz orqali aniqlanib, video yozuvlar asosida isbotlab berilgan.

Talabalar mazkur harakatlari bilan Toshkent davlat yuridik universiteti

Odob-axloq kodeksi 21-moddasi (Dars mashg'ulotlari vaqtida uyali aloqa vositalaridan foydalanish barcha uchun qat'iy taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno. Talabalarga uyali aloqa vositalaridan foydalanishga zarur va uzrli holatlarda pedagog xodimning ruxsati bilangina ruxsat etilishi mumkin.) talablarini buzgan.

Holat yuzasidan tushuntirish xatlari olingan.

Yuqoridagilarni inobatga olgan holda, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 21-moddasi hamda universitetning Ichki tartib qoidalari 83-band kichik "a"-bandi 2-xatboshisiga asosan

BUYURAMAN:

1. Universitet Odob-axloq kodeksi 21-moddasi talablarini buzganligi Xususiyl huquq fakultetining quyidagi talabalariga hayfsan e'lon qilinsin:

Ismatov Asilbek Ismoil o'g'li – 1-kurs;

Abduvoyitov Muhammadali Akmal o'g'li – 1-kurs;

Mannobov Alisher Saparboy o'g'li – 1-kurs;

Xusenov Utkirbek Sherzod o'g'li – 1-kurs;

Uktamov Aslbek Sanjar o'g'li – 1-kurs;

Botirova Firdavsxon Jamshid qizi – 1-kurs;

Yusupov Javoxir Xalil o'g'li – 3-kurs;

Abdiyev Asadbek Asliddin o'g'li – 3-kurs;

Ishpulatov Maxamatg'iyos Shuxrat o'g'li – 3-kurs;

Juralov Azimjon Olimjon o'g'li – 3-kurs.

2. Xususiyl huquq fakulteti (B.Musayev):

fakultet talabalari o'rtasida ushbu buyruqning mazmun mohiyati, ichki tartib qoidalarni buzish oqibatlarini haqida tushuntirish ishlari o'tkazilishini ta'minlasin;

ikki marotaba hayfsan berilgandan keyin talaba tomonidan yana o'quv intizomini va TDYU tomonidan o'rnatilgan ichki tartib-qoidalari buzilganda talabalarni talabalar safidan chetlashtirish mumkinligi to'g'risida ogohlantirsin;

hayfsan e'lon qilingan talabalarning shaxsiy yig'ma jildiga buyruq nusxasi tikilishini ta'minlasin

3. Mazkur buyruq bajarilishini nazorat qilish Yoshlar masalalari va ma'naviy

ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



yuriskonsult

N.TEMIROV

